

Broj: 02-04-6476-18/25
Sarajevo, 27.02.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 4. Zakona o posredovanju u zapošljavanju i socijalnoj sigurnosti nezaposlenih osoba („Službene novine Kantona Sarajevo“, broj: 4/04, 29/09, 18/13 i 23/24) Vlada Kantona Sarajevo, na 65. sjednici održanoj **27.02.2025.** godine, donijela je


ZAKLJUČAK

1. Utvrđuje se Program o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, koji je sastavni dio ovog zaključka.
2. Za realizaciju Programa iz tačke 1. ovog zaključka zadužuje se Javna ustanova „Služba za zapošljavanje Kantona Sarajevo“ Sarajevo.
3. Ovaj zaključak stupa na snagu danom donošenja.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. Javna ustanova „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. A r h i v a.



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-6476-18.1/25
Sarajevo, 27.02.2025. godine

Na osnovu člana 4. stav (1), a u vezi sa članom 9. i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, broj: 4/04, 29/09, 8/13 i 23/24) i na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove „Služba za zapošljavanje Kantona Sarajevo“ Sarajevo, Vlada Kantona Sarajevo, na 65. sjednici održanoj 27.02.2025. godine, donijela je

PROGRAM
O IZMJENAMA I DOPUNAMA PROGRAMA MJERA ZA PODSTICAJ
ZAPOŠLJAVANJA I ODRŽAVANJA VIŠE STOPE ZAPOSLENOSTI I POBOLJŠANJA
STRUKTURE ZAPOSLENIH U KANTONU SARAJEVO U 2024. GODINI

OPĆE ODREDBE

Član 1.

U Programu mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2024. godini broj: 02-04-7734-42.1/24 od 07.03.2024. godine i broj: 02-04-36792-1.1/24 od 16.07.2024. godine, član 2. mijenja se i glasi:

“Član 2.

1) REALIZOVANI PROGRAMI:

A-Programi zapošljavanja:

1. Program zapošljavanja u komunalnoj privredi, šumsko-uzgojnim radovima, socijalnoj zaštiti, kulturi i sajamskim manifestacijama;
2. Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica ;
3. Program zapošljavanja Posao za sve;
4. Program zapošljavanja VSS i VŠS;
5. Program zapošljavanja Zlatna i Srebrna značka;
6. Program zapošljavanja doktora medicine, doktora veterine i doktora stomatologije.

B- Programi samozapošljavanja:

1. Program samozapošljavanja.

2) PROGRAMI U REALIZACIJI:

A Programi za poštjavanja:

1. Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica;
2. Program zapošljavanja Zlatna i Srebrena značka;
3. Program zapošljavanja doktora medicine, doktora veterine i doktora stomatologije;
4. Program zapošljavanja „Sport i kultura“;
5. Program zapošljavanja medicinskih sestara – tehničara;
6. Program „Podrška zapošljavanja za novoosnovane poslovne subjekte“;
7. Program „Obuka kroz rad kod poznatog poslodavca“;
8. Program zapošljavanja pripravnika VSS i VŠS.

A1 Programi zapošljavanja:

9. Program zapošljavanja Posao za sve;
10. Program zapošljavanja VSS i VŠS.

B Programi samozapoštjavanja:

1. Program samozapoštjavanja „Start up“.

3) NOVI PROGRAM:

1. Program obuke, dokvalifikacije i prekvalifikacije nezaposlenih osoba za poznatog poslodavca.“

Član 2.

U Programu, član 3 mijenja se i glasi:

„Član 3.

Finansijska sredstva za realizaciju pojedinačnih podsticajnih mjera iz člana 2. Programa, obezbjeđuje Javna ustanova „Služba za zapošljavanje Kantona Sarajevo“ Sarajevo (u daljnjem tekstu: Služba) i ukupno iznose 54.823.555,00 KM i ista se raspoređuju na pojedinačne podsticajne mjere na način kako slijedi:

1) REALIZOVANI PROGRAMI:

A Programi zapošljavanja – 11.608.623,00 KM:

1. Program zapošljavanja u komunalnoj privredi, šumsko-uzgojnim radovima, socijalnoj zaštiti, kulturi i sajamskim manifestacijama;
2. Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica;
3. Program zapošljavanja Posao za sve;
4. Program zapošljavanja VSS i VŠS;
5. Program zapošljavanja Zlatna i Srebrena značka;
6. Program zapošljavanja doktora medicine, doktora veterine i doktora stomatologije.



B Programi samozapošljavanja – 1.480.000,00 KM za 100 nezaposlenih osoba.

1. Program samozapošljavanja.

2) PROGRAMI U REALIZACIJI:

A Programi zapošljavanja – finansijska sredstva u iznosu od 16.644.000,00 KM raspoređuju se na pojedinačne podsticajne mjere kako slijedi:

1. Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica – 3.600.000,00 KM za 150 nezaposlenih osoba iz ciljne kategorije;
2. Program zapošljavanja Zlatna i Srebrna značka – 1.440.000,00 KM za 20 nezaposlenih osoba iz ciljne kategorije;
3. Program zapošljavanja doktora medicine, doktora veterine i doktora stomatologije – 3.600.000,00 KM za 150 nezaposlenih osoba iz ciljne kategorije;
4. Program zapošljavanja „Sport i Kultura“- 1.200.000,00 KM za 50 nezaposlenih osoba iz ciljne kategorije;
5. Program zapošljavanja medicinskih sestara – tehničara – 918.000,00 KM za 51 nezaposlenu osobu iz ciljne kategorije;
6. Program „Podrška zapošljavanja za novoosnovane poslovne subjekte“ – 912.000,00 KM za 60 nezaposlenih osoba (20 nezaposlenih osoba sa VSS i VŠS; 30 nezaposlenih osoba sa SSS i KV i 10 nezaposlenih osoba NK, PK i NSS);
7. Program „Obuka kroz rad kod poznatog poslodavca“ – 1.800.000,00 KM za 100 nezaposlenih osoba;
8. Program zapošljavanja pripravnika VSS – 2.400.000,00 KM za 100 nezaposlenih osoba ciljne kategorije i SSS – 774.000,00 KM za 43 nezaposlene osobe iz ciljne kategorije.

A1 Programi zapošljavanja – finansijska sredstva u iznosu od 22.760.932,00 KM raspoređuju se na pojedinačne podsticajne mjere do utroška sredstava na:

1. Program zapošljavanja Posao za sve;
2. Program zapošljavanja VSS i VŠS.

B Programi samozapošljavanja – finansijska sredstva u iznosu od 1.980.000,00 KM:

1. Program samozapošljavanja „Start up“ – za 100 nezaposlenih osoba.

3) NOVI PROGRAM:

1. Program obuke, dokvalifikacije i prekvalifikacije nezaposlenih osoba za poznatog poslodavca – 350.000,00 KM za najmanje 50 nezaposlenih osoba.“.

Član 3.

U Programu, iza člana 10k. dodaje se novi član 10l. i glasi:

„Član 10l.

PROGRAM OBUKE, DOKVALIFIKACIJE I PREKVALIFIKACIJE NEZAPOSLENIH OSOBA ZA POZNATOG POSLODAVCA

- (1) Program obuke, dokvalifikacije i prekvalifikacije nezaposlenih osoba za poznatog poslodavca (u daljnjem tekstu: Program) realizuje se obukom, dokvalifikacijom i prekvalifikacijom



nezaposlenih osoba sa evidencije nezaposlenih u Kantonu Sarajevo za poznatog poslodavca sa sjedištem u Kantonu Sarajevo.

- (2) U smislu ovog programa:
 - Obuka je sticanje znanja i vještina za obavljanje složenijih poslova koji su srodni osnovnom zanimanju nezaposlene osobe;
 - Dokvalifikacija je stručno osposobljavanje u cilju postizanja viših stepena znanja i vještina u okviru postojećeg zanimanja;
 - Prekvalifikacija je obrazovanje u kojem nezaposlena osoba stiče znanja i vještine za drugo zanimanje u odnosu na postojeće.
- (3) Dužina trajanja obuke, dokvalifikacije i prekvalifikacije je maksimalno 6 mjeseci i može se realizovati u ustanovama, centrima za obuku ili drugim organizacijama koje su registrovane za ovu vrstu djelatnosti u skladu sa Zakonom o obrazovanju odraslih u Kantonu Sarajevo („Službene novine Kantona Sarajevo“, broj: 40/15).
- (4) U cilju provođenja ovog programa Služba će poslodavcima korisnicima ovog programa za novo zapošljavanje, finansirati troškove obuke, dokvalifikacije i prekvalifikacije nezaposlenih osoba u maksimalnom iznosu do 1.000,00 KM po jednoj nezaposlenoj osobi, te u po završetku obuke, dokvalifikacije ili prekvalifikacije u periodu od 6 mjeseci po 1.000,00 KM mjesečno, uz obavezu poslodavca da osobe čije se obuke, dokvalifikacije i prekvalifikacije finansiraju po okončanju iste, zaposli na period od najmanje 6 mjeseci.
- (5) Ako su troškovi obuke, dokvalifikacije/prekvalifikacije veći od 1.000,00 KM, isti padaju na teret poslodavca.
- (6) Služba će plaćanje obaveza za obuku, dokvalifikaciju i prekvalifikaciju po ovom programu vršiti direktno izvođaču obuke, dokvalifikacije i prekvalifikacije nakon završetka iste i dostavljanja dokaza da su polaznici završili obuku, dokvalifikaciju ili prekvalifikaciju (certifikat, potvrda ili drugi validni dokazi), fakture za plaćanje i izvještaja o provedenoj obuci od strane izvođača obuke, dokvalifikacije ili prekvalifikacije, a sredstva za sufinansiranje bruto plaće će se refundirati poslodavcu.
- (7) Poslodavci koji žele da učestvuju u ovom programu dužni su u originali ili ovjerenj fotografiji podnijeti:
 - Aplikaciju za finansiranje obuke, dokvalifikacije/prekvalifikacije u roku predviđenim javnim pozivom,
 - Rješenje o registraciji u Kantonu Sarajevo, a za pravna lica koja su u skladu sa Zakonom obavezna izvršiti upis u sudski registar, dostaviti aktuelni izvod iz sudskog registra u Kantonu Sarajevo, koji ne smije biti stariji od 60 dana od dana podnošenja prijave na javni poziv,
 - Uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv (izdat od strane Porezne uprave Federacije Bosne i Hercegovine),
 - uvjerenje o izmirenim obavezama poreza na dodanu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine), ne starije od 60 dana od dana podnošenja prijave na javni poziv,
 - Plan i program obuke, dokvalifikacije/prekvalifikacije ovlaštene ustanove, centra za obuku ili druge organizacije koje su registrovane za ovu vrstu djelatnosti,
 - Predračun troškova izvođača obuke, dokvalifikacije/prekvalifikacije,
 - Elaborat o opravdanosti zahtjeva za obuku, dokvalifikaciju/prekvalifikaciju.
- (8) Poslodavci koji redovno ne izmiruju obaveze uplate javnih prihoda, ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju



je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru, kao ni poslodavci koji nemaju nijednog radnika ili osobu prijavljenu u radni odnos.

- (9) Javni poziv za Program ostaje otvoren do utroška predviđenih sredstava, a najduže 6 mjeseci od dana objave uz mogućnost prekida i prije 6 mjeseci, a odobravanje aplikacija po Programu vršit će se prema vremenu i redoslijedu zaprimanja na protokolu Službe.
- (10) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika ili isteka ugovora o radu na period na koji je sklopljen, a do okončanja ugovora o sufinansiranju.
- (11) Izuzetno, odredbe stava (10) ovog člana ne odnose se na poslodavce iz javnog sektora.
- (12) Odobravanje aplikacija koje ispunjavaju uslove iz Programa, vrši se po vremenu i redoslijedu zaprimanja na protokolu Službe i na osnovu toga utvrđuje se prijedlog liste poslodavaca za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anekse ugovora.
- (13) Ugovorom iz stava (12) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 6 mjeseci, obavezu isplate plaća i pripadajućih poreza i doprinosa za zaposlenu osobu, zadržavanje u radnom odnosu isti broj radnika koji je zatečen u periodu od podnošenja zahtjeva do isteka sufinansiranja uz gore navedene izuzetke, obavezu pravdanja pomenutih troškova i dr.
- (14) Rok za realizaciju Programa je 15 mjeseci od dana potpisivanja pojedinačnih ugovora iz stava (12) ovog člana, uključujući i eventualne anekse ugovora.
- (15) Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a o čemu će poslodavac blagovremeno obavijestiti Službu te dostaviti relevantne dokaze o prethodno navedenom.“.

Član 4.

Dio neutrošenih sredstava po programima, Program sufinansiranja zapošljavanja pripravnika VSS i SSS, Program sufinansiranja zapošljavanja medicinskih sestara - tehničara i Programu Podrška zapošljavanja za novoosnovane poslovne subjekte u iznosu od 4.018.000,00 KM, raspoređuju se na realizaciju prethodno usvojenih listi čekanja po Programu zapošljavanja Posao za sve i Programu zapošljavanja VSS i VŠS po objavljenom Javnom pozivu od 19.07.2024. godine dok su preostala neutrošena sredstva u iznosu od 350.000,00 KM, prebačena na novu podsticajnu mjeru Program obuke, dokvalifikacije i prekvalifikacije nezaposlenih osoba za poznatog poslodavca.

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo,



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba

3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. Javna ustanova „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. A r h i v a.

